

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 74 34 00, Fax: 00387 35 74 34 33, e-mail: opcina@banovici.gov.ba, Web: www.banovici.gov.ba

Broj: 01-11-373/26-8

Datum: 13.03.2026. godine

Na osnovu člana 64. stav (1) tačka b), a u vezi sa članom. 89., člana 70. stavovi (1), (3) i (6) Zakona o javnim nabavkama (Službeni glasnik BiH broj: 39/14 i 59/22 i 50/24), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj: 35/05) člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06) člana 43. Statuta Općine Banovići (Službeni glasnik općine Banovići broj: 2/20) i Preporuke Komisije za javnu nabavku, broj: 01-11-373/26-7 od 12.03.2026. godine u postupku javne nabavke usluge: „Vršenje usluge nadzora na izvođenju radova na rehabilitaciji (asfaltiranju) cesta na području općine Banovići“, Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavku broj: 01-11-373/26-7 od 12.03.2026. godine i Okvirni sporazum za nabavku usluge „Vršenje usluge nadzora na izvođenju radova na rehabilitaciji (asfaltiranju) cesta na području općine Banovići“ dodjeljuje se ponuđaču „**RADIS**“ d.o.o. sa sjedištem u ulici Jovana Dučića 16, Istočno Sarajevo, prema ponudi broj: 319-02/26 od 20.02.2026. godine za ukupnu ponuđenu cijenu od **4.128,00 KM** bez PDV-a. kao ponuđaču čija je ponuda najpovoljnija u ovom predmetu javne nabavke.

Član 2.

Okvirni sporazum o nabavci usluge dostavit će se na potpis izabranom ponuđaču „**RADIS**“ d.o.o., sa sjedištem u ulici Jovana Dučića 16, Istočno Sarajevo nakon dostavljanja dokumenata (originali ili ovjerene fotokopije) kojima dokazuje ispunjavanje uslova za kvalifikaciju kako je predviđeno tenderskim dokumentom tj. dokumenata kojima se potvrđuje izjava iz člana 45. Zakona o javnim nabavkama, a najkasnije u roku od 7 dana računajući od dana kada su svi ponuđači obaviješteni o izboru najpovoljnije ponude, pod uslovom dostave uredne dokumentacije iz člana 45. Zakona.

U slučaju nedostavljanja dokumenata i izjavlivanja žalbe na Odluku o izboru postupa se prema pozitivnim propisima.

Rok za potpisivanje okvirnog sporazuma je 10 (deset) dana, računajući od dana prijema ugovora na potpis od strane izabranog ponuđača.

Član 3.

Ova Odluka će se objaviti na internet stranici www.banovici.gov.ba istovremeno s upućivanjem i ostalim ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik Bosne i Hercegovine“, broj 39/14 i 59/22 i 50/24).

Obrazloženje

Odlukom o pokretanju postupka javne nabavke usluga broj: 01-11-373/26 od 04.02.2026. godine donesenoj od strane ovog organa pokrenut je postupak javne nabavke usluge „**Vršenje usluge nadzora na izvođenju radova na rehabilitaciji (asfaltiranju) cesta na području općine Banovići**“. Predmetna javna nabavka predviđena je Planom javnih nabavki općine Banovići za 2026. godinu, broj: 01-11-195/26 od 23.01.2026. godine, evidencijski broj 13.

Javna nabavka usluge sprovedena je putem otvorenog postupka za dostavu ponuda.

Procijenjena vrijednost javne nabavke bez PDV-a je 12.900,00 KM.

Obavještenje o nabavci broj: 1220-1-2-7-3-26/26 od 12.02.2026, objavljeno je na Portalu javnih nabavki.

Tenderska dokumentacija objavljena je na Portalu javnih nabavki.

Komisija za javne nabavke imenovana Rješenjem broj: 01-04-84/26 od 14.01.2026. godine, organu je dostavila dana 12.03.2026. god. Zapisnik o pregledu i ocjeni ponuda broj: 01-11-373/26-2 od 06.03.2026. godine, Zapisnik o pregledu i ocjeni ponuda (nastavak pregleda i ocjena ponuda od 06.03.2025. godine) broj: 01-11-373/26-4 od 11.03.2026. godine, Zapisnik o pregledu i ocjeni ponuda (nastavak pregleda i ocjena ponuda od 11.03.2025. godine) broj: 01-11-373/26-6 od 12.03.2026. godine, te Preporuku o izboru najpovoljnijeg ponuđača za nabavku usluge broj: 01-11-373/26-7 od 12.03.2026.godine, u postupku javne nabavke usluga „**Vršenje usluge nadzora na izvođenju radova na rehabilitaciji (asfaltiranju) cesta na području općine Banovići**“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 7 (sedam) i to:

1. „RADIS“ d.o.o. Istočno Sarajevo, sa sjedištem u ul. Jovana Dučića 16, 71123 Istočno Sarajevo, (datum predaje ponude 24.02.2026. godine; vrijeme predaje ponude 10:27 h),
2. „DIVEL“ d.o.o. Sarajevo, sa sjedištem u ul. Tešanjka 5a, 71000 Sarajevo, (datum predaje ponude 04.03.2026. godine; vrijeme predaje ponude 09:30 h),
3. „AMDE Projekt“ d.o.o. Banovići, sa sjedištem u ul. 119. Mbb bb, 75290 Banovići, (datum predaje ponude 05.03.2026. godine; vrijeme predaje ponude 08:45 h),
4. Institut za građevinarstvo „IG“ d.o.o. Banja Luka, sa sjedištem u ul. Kralja Petra I Karađorđevića 92-96, 78000 Banja Luka (datum predaje ponude 05.03.2026. godine; vrijeme predaje ponude 09:15 h)
5. „AIK -INŽENJERING“ d.o.o. Banovići, sa sjedištem u Begov Potok bb, 75290 Banovići, (datum predaje ponude 05.03.2026. godine; vrijeme predaje ponude 10:03 h),
6. „INPROS“ d.o.o. Mostar, sa sjedištem u ulici Huse Maslića 12, 88104 Mostar (datum predaje ponude 05.03.2026. godine; vrijeme predaje ponude 10:10 h),
7. „PGP HIDROINŽENJERING“ d.o.o. Tuzla, sa sjedištem u Stupine B9/VI/13, 75000 Tuzla, (datum predaje ponude 05.03.2026. godine; vrijeme predaje ponude 10:32 h),

- da je blagovremeno zaprimljeno svih 7 (sedam) ponude,

- da nema neblagovremenih ponuda,

- da su ponude ponuđača „RADIS“ d.o.o. Istočno Sarajevo, „DIVEL“ d.o.o. Sarajevo, Institut za građevinarstvo „IG“ d.o.o. Banja Luka, „AIK -INŽENJERING“ d.o.o. Banovići, i „INPROS“ d.o.o. Mostar, ocijenjene prihvatljivim, a da su ponude ponuđača „PGP HIDROINŽENJERING“ d.o.o. Tuzla i „AMDE projekt“ d.o.o. Banovići, odbačene kao neprihvatljive, iz slijedećih razloga:

1. Ponuda ponuđača „PGP HIDROINŽENJERING“ d.o.o. Tuzla

U ponudi ponuđača „PGP HIDROINŽENJERING“ d.o.o. Tuzla kao dokaz tehničke i profesionalne sposobnosti dostavljen je spisak izvršenih ugovora koji su u vezi sa predmetnom nabavkom (vršenje usluge nadzora iz oblasti putne infrastrukture), kao i potvrda o uspješno realizovanim ugovorima.

Spisak izvršenih ugovora sadrži tri ugovora čije su pojedinačne vrijednosti bez PDV-a u iznosima od 1.923,08 KM; 1.535,05 KM i 1.923,08 KM.

Tačkom 17.4. pod a) Tenderske dokumentacije precizirano je da kao uslov tehničke i profesionalne sposobnosti ponuđači moraju imati uspješno iskustvo u realizaciji najmanje 1 (jednog) ugovora koji je u vezi sa predmetnom nabavkom u prethodne tri godine ili od datuma registracije, odnosno početka

poslovanja, ako je ponuđač registrovan, odnosno počeo sa radom prije manje od tri godine, čija ukupna vrijednost ne može biti manja od 30% procijenjene vrijednosti javne nabavke.

Pod ugovorom koji je u vezi sa predmetnom nabavkom podrazumijeva se ugovor za vršenje usluge nadzora iz oblasti putne infrastrukture.

Obzirom da je procijenjena vrijednost javne nabavke 12.900,00 KM jasno je da ni jedan od navedenih ugovora u pogledu vrijednosti ne zadovoljava uslove utvrđene u tenderskoj dokumentaciji, tj, sva tri ugovora pojedinačno imaju vrijednost manju od 30% procijenjene vrijednosti javne nabavke.

Ugovore sa navedenim vrijednostima komisija nije prihvatila kao valjan dokaz tehničke i profesionalne sposobnosti jer ne odgovara uslovima iz tenderske dokumentacije.

2. Ponuda ponuđača „AMDE projekt“ d.o.o. Banovići

Prilikom pregleda i ocjene ponuda od ponuđača „AMDE Projekt“ d.o.o. Banovići zatraženo je da dostavi pismeno pojašnjenje dostavljene reference tehničke i profesionalne sposobnosti u skladu sa članom 48. (5) i članom 68. (3) Zakona o javnim nabavkama (Službeni glasnik BiH broj 39/14; 59/22 i 50/24).

Komisija je konstatovala da ponuđač „AMDE Projekt“ d.o.o. Banovići do utvrđenog roka nije dostavio pismeno pojašnjenje trženo zahtjevom komisije broj 01-11-373/26-3 od 09.03.2026. godine.

U vezi sa navedenim, a u skladu sa članom 68. Zakona o javnim nabavkama BiH („Sl. glasnik BiH“, broj: 39/14, 59/22 i 50/24) komisija je ponudu ponuđača „AMDE Projekt“ d.o.o. Banovići odbacila se kao neprihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterijum najniže cijene, koja je ponuđena u iznosu **4.128,000 KM** bez PDV-a.

Iz navedenih razloga, primjenom člana 64. stav (1) tačka b), a u vezi sa članom 70. Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića broj 1. 75290 Banovići.

DOSTAVITI:

- 1x Svim ponuđačima koji su učestvovali u postupku JN,
- 1x U spis predmeta.

OPĆINSKI NAČELNIK

dr.sc. Mehmed Hasanović, dipl.inž.maš.

